



20 20-yil « 02 » 05

№ 02-37

« ____ » ____ 20 ____ года

**Муддатли ҳарбий хизматни ўтаб, тўлов-контракт асосида
ўқишга қабул қилинган талабаларни моддий қўллаб-қувватлашга
тавсия этиш ишларини ташкил этиш тўғрисида**

Ўзбекистон Респбликаси Президентининг 2005 йил 31 октябрдаги “Ўзбекистон Республикаси Қуролли Кучлари сафида муддатли ҳарбий хизматни ўтаётган ҳарбий хизматчиларга бериладиган имтиёзлар тизимини такомиллаштириш чора-тадбирлари тўғрисида”ги ПҚ–213-сон қарори ҳамда Ўзбекистон ёшлар иттифоқи томонидан Ўзбекистон Республикаси Қуролли Кучлари сафида муддатли ҳарбий хизматни ўтаган ва олий таълим муассасаларига тўлов-контракт шакли асосида ўқишга қабул қилинган талабаларга моддий ёрдам кўрсатиш қоидаларига (рўйхат рақами 2999, 2018 йил 18 апрель) мувофиқ,

БУЮРАМАН:

1. Ўзбекистон ёшлар иттифоқининг университетдаги бошланғич ташкилоти (кейинги ўринларда – бошланғич ташкилот) томонидан муддатли ҳарбий хизматни ўтаб тавсиянома асосида, тўлов-контракт шаклида ўқишга қабул қилинган талабаларни моддий қўллаб-қувватлаш учун тавсия этишга кўмаклашиш бўйича ишчи гуруҳ таркиби иловага мувофиқ тасдиқлансин.

2. Ишчи гуруҳ (Д.Умаров):

бошланғич ташкилот томонидан даъвогар талабаларни моддий қўллаб-қувватлаш учун тавсия этиш Ўзбекистон ёшлар иттифоқи томонидан Ўзбекистон Республикаси Қуролли Кучлари сафида муддатли ҳарбий хизматни ўтган ва тўлов-контракт шакли бўйича ўқишга қабул қилинган талабаларни моддий қўллаб-қувватлаш қоидаларига мувофиқ ташкил этилишини назорат қилсин;

муддатли ҳарбий хизматни ўтаб, ўқишга қабул қилинган ҳамда бошланғич ташкилот томонидан моддий қўллаб-қувватланишга даъвогар талабанинг анкетасини тўлдиришга кўмаклашсин;

даъвогар талабаларнинг Ўзбекистон ёшлар иттифоқининг мақсад-вазифалари ва фаолияти ҳақида билимини аниқлаш мақсадида Ёшлар иттифоқининг Марказий Кенгаши томонидан тайёрланган тест синовларини ўтказиш жараёнларини ташкил этишга амалий ёрдам кўрсатсин;

бошланғич ташкилот томонидан моддий қўллаб-қувватланишга даъвогар талабалар билан ўтказиладиган суҳбатларда иштирок этсин.

3. Ўқув-услубий бошқарма (А.Тошпулатов) ҳамда курс деканлари моддий қўллаб-қувватланишга даъвогар юқори босқич талабаларини ўтган 2018/2019 ўқув йилининг баҳорги семестри ва биринчи босқич талабаларини 2019/2020 ўқув йилининг кузги семестри давомида университетнинг ички тартиб-қоидаларига риоя этганлиги, ўзлаштириш кўрсаткичи тўғрисидаги маълумотларни тасдиқлаб, 2020 йилнинг 3 март кунига қадар бошланғич ташкилотга тақдим этсин.

4. Мониторинг ва ички назорат бўлими (Д.Худойназаров) бошланғич ташкилот томонидан моддий қўллаб-қувватлашга тавсия этиш билан боғлиқ ҳужжатларни ҳамда моддий қўллаб-қувватлашга тавсия этилган талабаларни белгиланган тартибда тавсия этилганлигини назоратдан ўтказсин ва хулоса тақдим этсин.

5. Кафедра мудирлари моддий қўллаб-қувватлашга даъвогар талабаларга тавсия бериш билан боғлиқ жараёнларда иштирок этиб, талабалар фаоллиги бўйича тавсиф бериш юзасидан бошланғич ташкилот томонидан ташкил этиладиган суҳбатларда гуруҳ мураббийларининг иштирокини таъминласин.

6. Мазкур буйруқ бажарилишини назорат қилиш проректор Д.Умаров зиммасига юклансин.

Адлия вазири
ўринбосари – ректор



Р. Ҳакимов

Адлия вазири ўринбосари –
Тошкент давлат юридик университети
ректорининг 2020 йил “02” мартдаги
02-37 -сон
буйруғига илова

**Ўзбекистон ёшлар иттифоқининг университетдаги бошланғич ташкилоти
томонидан муддатли ҳарбий хизматни ўтаб тавсиянома билан ўқишга
қабул қилинган талабаларни моддий қўллаб-қувватлаш учун
тавсия этишга кўмаклашиш бўйича
ИШЧИ ГУРУҲ ТАРКИБИ**

Умаров Дилшоджон Маъруфович	–	Ёшлар билан ишлаш бўйича проректор, раис
Пўлотов Шерзод Шухратович	–	Маънавият ва маърифат маркази раҳбари
Тошпулатов Ақром Икромович	–	Ўқув-услубий бошқарма бошлиғи
Бабаджанов Атабек Давронбекович	–	1-курс декани
Топилдиев Баҳромжон Раҳимжонович	–	2-курс декани
Махкамов Дурбек Нематович	–	3-курс декани
Эргашев Икром Абдурасулович	–	4-курс декани
Худойназаров Дадахон Аваз ўғли	–	Мониторинг ва ички назорат бўлими услубчиси